

For Immediate Release



East Timor Government, UNTAET and the World Bank

UNTAET media contacts:

Bárbara Reis + 61 407 398430

reisb@un.org

Abé Barreto -Soares +61 419 176 463

barretosoares@un.org

World Bank media contacts:

Natacha Meden (Dili) +61 407 101 536

nmeden@worldbank.org

Jill Wilkins (Washington) +1 202 473 1792

jwilkins@worldbank.org

DOADOR SIRA SEI KOALIA IHA DILI KONA BA AJUDA MAKI ATU FO BAINHIRA TIMOR UKUN-AN ONA

Dili, 8 Maiu 2002 – Loron nen molok Timor Lorosa'e tama los ona ba ukun rasik-an, doador sira sei halibur hamutuk iha Dili atu koalia kona ba suporte ba programa Republika Demokratika Timor Lorosa'e nian nebe foin moris. Reuniaun prinsipal, nebe Segundu Governu Tranzisaun Timor Lorosa'e nian mak sei sai nudar uma na'in, sei haré liu-liu kona ba Planu Dezenvolvimentu Nasional ho estratejia fiskal rai ne'e nian.

Segundu Governu Tranzisaun Timor Lorosa'e, Administrasaun Tranzitoria Nasoens Unidas nian iha Timor Lorosa'e ho Banku Mundial sei prezide hamutuk reuniaun ida ne'e, iha fatin nebe uluk ekipa Misaun Avaliasaun Konjunta (MAK) sira hela ba iha fulan Outubru tinan 1999. Fatin nebe uluk bolu hanesan "sidade tenda nian" to'o ikus sai edifisiu Assembleia Konstituente nian, no mos sai testemunha wainhira Assembleia Konstituente hakerek esbosu Konstituensaun Republika Demokratika Timor Lorosa'e nian, nebe ratifika iha loron 22 fulan Marsu tinan 2002. Fatin ne'e sei inagura hanesan Timor Lorosa'e nia Parlamentu iha loron 20 fulan Maiu tinan 2002.

Hola parte iha ekipa MAK ne'e, matenek nain Timor oan ho ema internasional ho numeru maka hanesan, nebe halao evaluasaun kona ba osan maka presiza hosi liur atu halao rekonstrusaun ba Timor Lorosa'e. Rezultadu nebe ekipa MAK nian hetan, hato'o tiha ona ba iha Doador sira nia reuniaun kona ba Timor Lorosa'e ba dala uluk iha Tokio, iha fulan Dezembru tinan 1999. Tuir fali mai, reuniaun doador sira kona ba Timor Lorosa'e nian halao iha Lisboa (fulan Junhu tinan 2000), Bruxelas (fulan Dezembru tinan 2000), Dili (fulan Marsu tinan 2000) Canberra (fulan Junhu tinan 2001) ho Oslo (fulan Dezembru tinan 2001), nebe doador sira hatudu nafatin sira nia hakarak atu fo suporte ba Timor Lorosa'e, no mos ajuda esforsu kordenadu internasional nian ida ba rai maka at ne'e nia rekonstrusaun ho ninia dezenvolvimentu.

Doador sira nebe kontribui ba Fundu Fudisiariu ba Timor Lorosa'e (TFET), nebe Banku Mundial maka administra, sei koalia mos kona ba TFET nia progresu no mos planus iha Konselhu Doador sira nia reuniaun, nebe sei hala'o iha loron 16 fulan Maiu tinan 2002.

Media sira hetan konvite atu atende sesaun abertura iha loron 14 fulan Maiu, tuku 9 dader no mos sesaun enseramentu iha loron 15 fulan Maiu, tuku 12 loromanas iha Edifisiu Parlamentu nian. Konferensia imprensa ida sei halao hafoin tiha reuniaun remata iha loron 15 fulan Maiu, tuku 12:30 loromanas.

Atu hetan asesu hodi bele tama ba iha eventu ida ne'e, halo favor kontakta ho Barbara Reis ka Abé Barreto-Soares (haré iha leten)

Atu hetan tan informasaun, halo favor kontakta ho Makiko Watanabe, UNTAET (tel:+61408067488 e-mail: watanabe@un.org) ka Natacha Meden, World Bank (haré iha leten)